

I han es Zündhölzli azündt

Mani Matter

1. I han es Zündhölzli azündt und das het e Flamme gäh
Und i ha für d'Zigarette welle Fүү vom Hölzli näh
Aber s'Hölzli isch dervo- gspickt und uf e Teppich cho
Und es hätt no fasch es Loch in Teppich gäh dervo

2. Ja me weis was cha passiere we me nit ufpasset mit Fүү
Und für d'Gluet and' Zigarette isch e Teppich doch denn z'tүү
Und vom Teppich hätt o Grus chönne s'Fүү is ganze Hus
Und wär weis, was da nit no wär worde drus

3. S'hätt e Brand gäh im Quartier und s'hätti d'Fүүrwehr müesse cho
Hätti ghornet i de Strasse und dr Schluuch vom Wage gno
Und sie hätte Wasser gsprützt und das hätti glych nüt gnützt
Und die ganzi Stadt hätt brönnt, es hätt si nüt meh gschützt

4. Und d'Lüt wäred umegsprunge i dr Angscht um Hab und Guet
Hätte gmeint s'heig eine Fүү gleit hätte d'Sturmgwehr gno ir Wuet
Alls hätt' brüelet: Wär isch tschuld? Ds ganze Land in eim Tumult
Dass me gschosse hätt uf d'Bundesrät am Rednerpult.

5. D'UNO hätt interveniert und d'UNO-Gägner sofort o
für ir'd Schwyz dr Fride z'rette Wäre beid mit Panzer cho
s'hätt sech usdehnt na disnah uf Europa, Afrika
S'hätt e Wältchrieg gäh und d'Mänschheit wär jitz nümme da

6. I han es Zündhölzli azündt Und das het e Flamme gäh
Und i ha für d'Zigarette welle Fүү vom Hölzli näh
Aber ds Hölzli isch dervo- gspickt und uf de Teppich cho -
Gottseidank dass i's vom Teppich wider furt ha gno